

II

Za realizaciju ove Odluke zadužuje se Služba za privredu, finansije i investicije.

III

Odobreno prestrukturiranje postaje sastavni dio Budžeta Općine Ilijaš za 2012. godinu.

IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 04/1-14-2039/12
28. septembra 2012. godine
Ilijaš

Općinski načelnik
Nusret Mašić, s. r.

OPĆINA NOVI GRAD SARAJEVO

Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 55. Statuta Općine Novi Grad Sarajevo ("Službene novine Kantona Sarajevo", broj 5/98), načelnik Općine Novi Grad Sarajevo, dana 30.10.2012. godine, verificovao je i donio

ODLUKU

O KOREKCIJI IZMJENA I DOPUNA REGULACIONOG
PLANA "ŠVRAKINO SELO-MLAKVE"

Član 1.

Usvaja se korekcija Izmjena i dopuna Regulacionog plana "Švrakino Selo - Mlakve" (u daljem tekstu: korekcija Plana).

Član 2.

Kako bi se omogućila Korekcija plana, koja se odnosi na stvaranje uslova za legalizaciju postojećeg objekta na parceli k.č. 2295/8, kao i za planiranje novog objekta na parceli k.č. 2298/25, KO Novo Sarajevo III, izvršena je i korekcija trase planirane saobraćajnice D1C1, kako je prikazano na grafičkom prilogu - Korekcija Izmjena i dopuna Regulacionog plana "Švrakino Selo - Mlakve".

Član 3.

Korekcija Plana sastoji se iz tekstualnog dijela i 2 grafička priloga koji su predmet korekcije.

Tekstualni dio i grafički prilozi korekcije Plana su sastavni dio Izmjena i dopuna Regulacionog plana "Švrakino Selo - Mlakve" ("Službene novine Kantona Sarajevo", broj 15/03).

Član 4.

Korekcija Plana je radena za faze urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Izmjena i dopuna Regulacionog plana "Švrakino Selo - Mlakve", te pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo i Ministarstva prostornog uređenja i komunalnih poslova Kantona Sarajevo.

Član 6.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-23-18873/12
30. oktobra 2012. godine

V.d. Općinskog načelnika
Novi Grad Sarajevo
Aner Šuman, s. r.

SLUŽBENE OBJAVE

UDRUŽENJA GRAĐANA

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a

po zahtjevu Udruženja "Balkanski otvoreni klub", Ministarstvo pravde i uprave donosi

RJEŠENJE

1. Upisuje se u Registar udruženja koji se vodi kod Ministarstva pravde i uprave Kantona Sarajevo Udruženje "Balkanski otvoreni klub", skraćeni naziv je "BOK", sa sjedištem u Sarajevu, ulica GRLIČIĆA BRDO broj 6 a.
2. Upis je izvršen pod registarskim brojem 1701. knjiga IV Registra udruženja, dana 14.08.2012. godine.
3. Programski ciljevi i zadaci Udruženja su:
Da svojim aktivnostima doprinosi cjelokupnom razvoju društva u Bosni i Hercegovini u segmentima kao što su: nauka, obrazovanje, kultura, umjetnost, tradicija, tolerancija, moral, historija, sport, zdravstvo, tehnologija, ekonomija i biznis, arhitektura, mediji, ekologija, turizam, religija, politika, demokratija, civilno društvo, borba protiv organiziranog kriminala i korupcije, borba protiv svih oblika diskriminacije, humanizam i međunarodna saradnja kao i ostale društveno korisne aktivnosti.
4. Osobe ovlaštene za zastupanje i predstavljanje su:
MERIMA ČEMAN, predsjednica Udruženja;
EDINA KURIĆ-ZORLAK, predsjednica Upravnog odbora.

Broj 03-05-05-7904/12
14. augusta 2012. godine
Sarajevo

Ministrica
Dijana Tabori, s. r.
(UGK-3/12)

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja Sportsko Ribolovno Društvo "MILJACKA", Ministarstvo pravde i uprave donosi

RJEŠENJE

1. Upisuje se u Registar udruženja koji se vodi kod Ministarstva pravde i uprave Kantona Sarajevo Udruženje Sportsko Ribolovno Društvo "MILJACKA", skraćeni naziv je SRD "MILJACKA", sa sjedištem u Sarajevu, ulica POD HRIDOM broj 25.
2. Upis je izvršen pod registarskim brojem 1721. knjiga IV Registra udruženja, dana 16.10.2012. godine.
3. Programski ciljevi i zadaci Udruženja su:
Da okuplja ljubitelje prirode, ribolovnog sporta i ribolovnog turizma, da organizovano djeluje u cilju održavanja, unapređenja i zaštite rijeka i obala, te čovjekove prirodne okoline uopšte, da organizuje, suorganizuje i sudjeluje na sportsko ribolovnim takmičenjima, da edukuje i osniva sportske ribolovne sekcije mladih ribolovaca, da u duhu sportskog ribolova članova razvija vještinu i etiku ribolova, te svijest o potrebi zaštite ribljeg fonda voda u BiH, prirode i čovjekove okoline stalnom edukacijom svog članstva i građana, da ostvaruje saradnju sa naučnim, turističkim, sportskim i drugim sportskim i sličnim organizacijama u BiH.
4. Osobe ovlaštene za zastupanje i predstavljanje su:
KENAN HAJDAREVIĆ, predsjednik Upravnog odbora Društva,